



# Polasaí Iontrála Pobalscoil Chorca Dhuibhne



## **Pobalscoil Chorca Dhuibhne**

**Daingean Uí Chúis  
Co. Chiarraí**

**Uimhir rolla: 915110**

**Pátrú(i)n na Scoile: Bord Oideachais agus Oiliúna Chiarraí, CEIST**

## **1. Réamhrá**

Comhlíonann an Polasaí Iontrála seo ceanglais an Achta Oideachais 1998, an Achta Oideachais (Iontráil i Scoileanna) 2018 agus an Achta um Stádas Comhionann 2000. Agus an polasaí seo á dhréachtú, chuaigh bord bainistíochta na scoile i gcomhairle le foireann na scoile, le pátrún na scoile agus le tuismitheoirí leanaí atá ag freastal ar an scoil.

D'fhaomh an pátrún scoile an polasaí ar an [dáta]. Tá sé foilsithe ar shuíomh gréasáin na scoile agus cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Phobalscoil Chorca Dhuibhne leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile seachtain amháin ar a laghad roimh thús an phróisis iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil Bhliantúil na scoile don scoilbhliain lena mbaineann.

Foilsítear an fhoirm iarratais i gcomhair iontrála ar shuíomh gréasáin na scoile agus cuirfear cóip chrua di ar fáil d'aon duine a iarrann sin.

## **2. Spiorad sainiúil agus cuspóirí ginearálta Phobalscoil Chorca Dhuibhne, Daingean Uí Chúis**

Is iarbhunscoil chomhoideachais, il-sainchreidmheach í Pobalscoil Chorca Dhuibhne faoi chomhiontaobhacht ag Proibhinseal Ord na Toirbhearta agus Príomhfheidhmeannach Bhord Oideachais agus Oiliúna Chiarraí (Coiste Gairmoideachais Chiarraí, mar a bhí).

Cuireann pobalscoileanna córas cuimsitheach iarbhunoideachais ar fáil do gach leanbh sa phobal áitiúil. Cuirtear curaclam leathan ar fáil ag baint úsáide as cur chuige nuálach agus cabhraíonn an cur chuige sin le folláine spioradálta, morálta, meabhrach, fisiceach agus sóisialta na ndaltaí a chothú laistigh dá bpobal. Tacaíonn pobalscoileanna freisin leis an bhfoghlaim fadsaoil sa phobal áitiúil trí chláir aosoideachais a chur ar fáil.

Bunaíodh ár scoil faoi Ghníomhas Iontaobhais agus osclaíodh í ar an 1 Meán Fómhair 2007 mar thoradh ar an gcomhnascadh idir Meánscoil na mBráithre Críostaí agus Meánscoil na Toirbhirte. Tá luachanna BOO Chiarraí mar Chomhlacht Stáit ilchreidmheach cumhdaithe i sainspiorad agus i saol ár scoile chomh maith leis na traidisiúin, na luachanna Críostaí agus na bunchuspóirí a fuaireamar le hoidhreacht ó Nano Nagle agus Edmund Rice agus is mór againn iad agus is mór an meas atá againn orthu.

Aithníonn na comhphatrúin gur scoil Ghaeltachta í Pobalscoil Chorca Dhuibhne atá ag freastal ar Phobal Gaeltachta agus gurb í an Ghaeilge teanga na scoile. Cuirfear tacaíochtaí breise ar fáil mar chuid de ghnáth-sholáthar na scoile le cur ar a gcumas teanga na scoile a bhainistiú. Ní dhéanfaidh na tacaíochtaí sin lagú ar shaintréithe teanga na scoile. Beidh meas ar dhaltaí Pobalscoil Chorca Dhuibhne agus iad ag déanamh amach a bhféiniúlacht féin sa phobal agus spreagfar iad chun cur le forbairt an phobail sin.

Is iad bunluachanna Pobalscoil Chorca Dhuibhne ná aire, meas, pobal, cuimsiú, comhionannas, ceartas agus cothroime. Oibríonn na luachanna sin le chéile chun atmaisféar a chruthú atá fabhrach do mhúineadh agus foghlaim den scoth. An aidhm atá againn ná cabhrú le gach dalta barr a m(h)aitheasa a bhaint amach i dtimpeallacht shocair, aireach agus cruthaitheach.

Feictear ár luachanna sa tslí a gcaithimid ár saol mar phobal scoile. Tugtar aitheantas agus meas don sainluach ar leith atá i ngach ball de phobal na scoile. Caitear mar a chéile le gach duine beag beann ar chine, inscne, reiligiún/creideamh, aois, stádas teaghlai, stádas pósta, stádas sibhialta, ballraíocht den lucht siúil, claonadh gnéis, ábaltacht, míchumas ná stádas soch-eacnamaíoch. Tugtar an deis chéanna iontrála do gach dalta ar aon dul leis an Acht Oideachais (Iontrálacha Scoileanna) (2018) forléirithe de réir mhír 3 den Acht um Stádas Comhionann 2000. Agus na daltaí iontrálaithe ar scoil, tugtar na deiseanna céanna dóibh ar fad páirt a ghlacadh sa churaclam, i saol na scoile agus sa phobal áitiúil.

Cuireann Pobalscoil Chorca Dhuibhne timpeallacht shábháilte fisiceach agus sóisialta ar fáil a chabhraíonn leis na daltaí a bheith ar a suaimhneas mar chuid de phobal na scoile agus leis an bpobal i gcoitinne. Déanaimid ár ndícheall cur ar chumas gach dalta barr a maitheasa a bhaint amach beag beann ar aon ghné dá bhféiniúlacht, cultúr ná cúlra. Cuireann ár scoil oideachas iomlán cuimsitheach chun cinn, oideachas a thugann aitheantas don éagsúlacht féiniúlachtaí, creideamh agus luachanna a bhíonn ag ár ndaltaí, tuismitheoirí agus foireann. Forbraímid saoránaigh leathanaigeanta agus freagrach a bhfuil comhthuiscint eatarthu maidir lena gcuid luachanna, d'fhonn cabhrú le sochaí cóir agus cothrom a chothú.

Is scoil il-sainchreidmheach í ár scoil, áit go bhfuil fáilte, meas agus tacaíocht ann do dhaltaí ó gach saghas reiligiún agus creideamh. Cuirimid oideachas reiligiúnach agus deiseanna oidhreachta ar fáil agus tá Séiplíneach againn sa scoil. Is léiriú iad na rudaí seo ar fad ar chuspóirí bunaidh na scoile, ráiteas misin na scoile agus riachtanais na ndaltaí sa scoil. Feictear saintréithe na scoile go praiticiúil sna himeachtaí tréadacha, liotúirgeacha agus for-rochtaine, atá ar fáil do gach dalta, mar is cuí.

I bPobalscoil Chorca Dhuibhne déanaimid ceiliúradh ar an gcomhpháirtíocht, an comhoibriú agus an comhbhá a thacaíonn le cothú agus forbairt ár ndaoine óga sa phobal, áit gurb é bunús ár n-eiteas ná aire agus meas orainn féin, ar dhaoine eile agus ar ár dtimpeallacht.

### 3. Ráiteas maidir le hlontráil

Ní dhéanfaidh Pobalscoil Chorca Dhuibhne idirdhealú maidir le dalta a ligean isteach i scoil ar bhonn aon cheann díobh seo a leanas:

- (a) inscne an dalta nó an iarratasóra i leith an dalta lena mbaineann,
- (b) stádas sibhialta an dalta nó an iarratasóra i leith an dalta lena mbaineann,
- (c) stádas teaghlaigh an dalta nó an iarratasóra i leith an dalta lena mbaineann,
- (d) gnéaschlaonadh an dalta nó an iarratasóra i leith an dalta lena mbaineann,
- (e) reiligiún an dalta nó an iarratasóra i leith an dalta lena mbaineann,
- (f) bunús mhíchumas an dalta nó an iarratasóra i leith an dalta lena mbaineann,
- (g) cine an dalta nó an iarratasóra i leith an dalta lena mbaineann,
- (h) dalta nó iarratasóir ó phobal an lucht siúil i leith an dalta lena mbaineann, nó
- (i) riachtanais speisialta oideachais a bheith ag an dalta nó ag an iarratasóir i leith an dalta lena mbaineann.

De réir Alt 61 (3) den Acht Oideachas 1998, forléireofar 'foras stádais shibhialta', 'foras míchumais', 'leithcheal', 'foras stádas teaghlaigh', 'foras inscne', 'foras cine', 'foras reiligiúin', 'foras gnéaschlaonta' agus 'foras pobail Taistil' de réir alt 3 den Acht um Stádas Comhionann 2000.

Is scoil í Pobalscoil Chorca Dhuibhne a bhunaigh rang, le ceadú an Aire Oideachais agus Scileanna, a chuireann oideachas ar fáil go heisiach do dhaltaí a bhfuil catagóir nó catagóirí de riachtanais speisialta oideachais acu atá sonraithe ag an Aire agus d'fhéadfadh sé go ndiúltófaí isteach sa rang do dhalta nach bhfuil an chatagóir riachtanas acu atá sonraithe.

### 4. Na catagóirí de Riachtanais Speisialta Oideachais a ndéantar freastal orthu sa scoil/sa rang speisialta

Bhunaigh Pobalscoil Chorca Dhuibhne le cead ón Aire Oideachais agus Scileanna, rang chun oideachas a chur ar fáil go heisiach do dhaltaí a bhfuil Neamhord de chuid Speictream an Uathachais orthu.

## 5. Daltaí a Ligean Isteach

Ligfidh an scoil seo isteach gach dalta atá ag lorg iontrála ach amháin sna cásanna a leanas –

- a) i gcás ina bhfuil ró-éileamh ar an scoil (féach [alt 6](#) thíos le haghaidh tuilleadh sonraí)
- b) i gcás go dteipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin

Soláthraíonn an rang speisialta atá nasctha le Pobalscoil Chorca Dhuibhne oideachas do dhaltá a bhfuil Neamhord de chuid Speictream an Uathachais orthu go heisiach agus féadfaidh an scoil cead isteach a dhiúltú don rang sin, i gcás nach bhfuil an chatagóir shonraithe de riachtanais speisialta oideachais ag an dalta atá i gceist dá bhforáiltear sa rang sin.

## 6. Ró-iarratas

Sa chás go bhfuil ró-éileamh ar an scoil, déanfaidh an scoil na critéir roghnaithe a leanas a chur i bhfeidhm san ord ina bhfuil siad thíos maidir leis na hiarratais a fhaightear laistigh den amlíne chun iarratais a fháil mar atá leagtha amach i bhfógra iontrála na scoile agus na hiarratais ar chead isteach á gcinneadh aici.

1. Daltaí atá ag freastal ar bhunscoileanna sa scoilcheantar – Aguisín A
2. Daltaí a thagann chun cónaithe sa scoilcheantar

Sa chás go bhfuil beirt daltaí nó níos mó ceangailte le haghaidh áite nó áiteanna in aon cheann de na catagóirí critéir roghnúcháin thuas (agus líon na n-iarratasóirí níos mó ná líon na n-áiteanna atá fágtha), beidh feidhm ag na socruithe a leanas:

Ceapfaidh an Bord Bainistíochta breathnóir neamhspleách a dhéanfaidh maoirseacht ar tharraingt crannchuir d'fhonn roghnúchán neamhchlaonta a chinntiú.

## 7. An méid nach mbreithneofar ná nach gcuirfear san áireamh

De réir alt 62(7)(e) den Acht Oideachais 1998, ní dhéanfaidh an scoil aon cheann díobh seo a leanas a bhreithniú ná a chur san áireamh agus iarratais ar chead isteach á gcinneadh nó nuair a bhíonn dalta á c(h)ur ar liosta feithimh le haghaidh iontrála sa scoil.

- (a) freastal roimh ré ag dalta ar réamhscoil nó ar sheirbhís réamhscoile, lena n-áirítear naíonraí,
- (b) íocaíocht táillí nó ranníocaíochtaí (cibé slí a dtuairiscítear é) leis an scoil;
- (c) cumas, scileanna nó inniúlacht acadúil an dalta;  
(seachas i ndáil le:
  - ligean isteach chuig an Aonad Uathachais a mhéad is gá chun a fháil amach an bhfuil nó nach bhfuil an chatagóir riachtanas speisialta oideachais lena mbaineann ag an dalta
- (d) gairm, stádas airgeadais, cumas acadúil, scileanna nó inniúlacht tuismitheoirí dalta;
- (e) ceanglas go bhfreastalóidh dalta, nó a t(h)uismitheoirí ar agallamh, lá oscailte nó cruinniú eile mar choinníoll iontrála;
- (f) ceangal dalta leis an scoil de bhua duine dá t(h)eaghlach nó dá teaghlach ag freastal ar an scoil nó a bhí ag freastal ar an scoil roimhe sin;
- (g) an dáta agus an t-am ar ghlac an scoil le hiarratas iontrála,

Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha amach i bhfógra iontrála bliantúil na scoile don scoilbhliain lena mbaineann. Tá sé sin faoi réir freisin ag an scoil tairiscintí a dhéanamh bunaithe ar liostaí feithimh reatha (suas go dtí an 31ú Eanáir 2025 amháin).

## 8. Cinní ar iarratais

Béidh na cinní go léir maidir le hiarratais ar iontráil chuig Pobalscoil Chorca Dhuibhne bunaithe ar na nithe a leanas:

- Polasaí iontrála na scoile
- Fógra iontrála bliantúil na scoile (nuair is cuí);
- An fhaisnéis a chuir an t-iarratasóir ar fáil i bhfoirm iarratais oifigiúil na scoile a fuarthas le linn na tréimhse atá sonraithe inár bhfógra iontrála bliantúil chun iarratais a fháil;

(Féach [alt 14](#) thíos maidir le hiarratais a fuarthas lasmuigh den tréimhse iontrála agus [alt 15](#) thíos maidir le hiarratais ar áiteanna i mblianta seachas an grúpa ligthe isteach.)

Ní úsáidfear critéir roghnúcháin nach n-áirítear inár bpolasaí iontrála scoile chun cinneadh a dhéanamh maidir le hiarratas ar áit inár scoil.

## 9. Cinntí a chur in iúl d'iarratasóirí

Cuirfear iarratasóirí ar an eolas i scríbhinn maidir le cinneadh na scoile, laistigh den amlíne atá leagtha amach san fhógra bliantúil iontrála.

Mura dtairgtear áit do dhaltá inár scoil, cuirfear na cúiseanna nár tairgeadh áit dó nó di ar fáil i scríbhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéar roghnúcháin agus na sonraí faoi áit an dalta ar an liosta feithimh don scoilbhliain lena mbaineann.

Cuirfear iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach [alt 18](#) thíos le haghaidh tuilleadh sonraí).

## 10. Glacadh le tairiscint áite ag iarratasóir

Agus tairiscint iontrála á glacadh agat ó Phobalscoil Chorca Dhuibhne, ní mór duit an méid a leanas a léiriú—

(i) cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den sórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.

(ii) cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

## 11. Cúinsí nach féidir tairiscintí a dhéanamh ina leith nó a tharraingt siar

Ní féidir le Pobalscoil Chorca Dhuibhne tairiscint iontrála a dhéanamh ná a tharraingt siar sna cásanna a leanas —

- (i) déantar amach go bhfuil an fhaisnéis atá san iarratas bréagach nó míthreorach.
- (ii) teipeann ar iarratasóir glacadh le tairiscint iontrála ar nó roimh an dáta atá leagtha amach i bhfógra iontrála bliantúil na scoile.
- (iii) má theipeann ar thuismitheoir dalta, nuair a éilíonn an príomhoide é de réir alt 23(4) den Acht Oideachais (Leas) 2000, a dhearbhu i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin; nó
- (iv) teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in [alt 10](#) thuas.

## 12. Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

## 13. Liosta feithimh i gcás ró-iarratais

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta feithimh de dhaltá nár éirigh lena n-iarratas ar iontráil chuig Pobalscoil Chorca Dhuibhne mar gheall ar ró-éileamh ar an scoil agus beidh siad bailí don scoilbhliain ina bhfuil cead isteach á lorg.

Tá socrúchán ar liosta feithimh Phobalscoil Chorca Dhuibhne san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasaí iontrála seo.

Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

#### **14. Iarratais Dhéanacha**

Breithneofar agus déanfar cinneadh ar gach iarratas ar chead isteach a fhaightear tar éis an dáta deiridh mar atá leagtha amach san fhógra iontrála bliantúil de réir pholasaí iontrála ár scoile, de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

#### **15. Nósanna imeachta maidir le daltaí a ligean isteach i mblianta eile agus le linn na scoilbhliana**

Seo a leanas nósanna imeachta na scoile maidir le daltaí a ligean isteach nach bhfuil glactha isteach sa scoil cheana féin chuig ranganna nó blianta seachas grúpa iontrála na scoile:

- Foirm Iarratais le líonadh
- Tuismitheoirí agus dalta le bualadh leis an bPríomhoide / Príomhoide Tánaisteach
- Teistiméireacht ó Phríomhoide na scoile roimhe seo nuair atáthar tar éis glacadh le háit
- Aistriú an eolais ar fad ón scoil roimhe seo nuair atáthar tar éis glacadh le háit – tuairiscí acadúla ón scoil, tuairiscí iompair ón scoil agus aon mheasúnú síceolaíoch san áireamh
- Teagmháil le hOifigeach Leasa Oideachais, más gá
- Ní cheadaítear iontráil chuig clár na hIdirbhliana ach amháin sa chás go ndéantar an t-iarratas roimh an 20 Meán Fómhair den scoilbhliain chuí agus tá sé ag brath ar an dalta a bheith cláraithe mar dhalta le Pobalscoil Chorca Dhuibhne ar an PPOD, bunachar sonraí na Roinne Oideachais agus Scileanna, roimh an 30 Meán Fómhair den bhliain sin.

Is iad a leanas nósanna imeachta na scoile maidir le daltaí a ligean isteach nach bhfuil glactha isteach sa scoil cheana féin, tar éis thús na scoilbhliana ina lorgaítear an cead isteach:

- Foirm Iarratais le líonadh
- Tuismitheoirí agus dalta le bualadh leis an bPríomhoide / Príomhoide Tánaisteach
- Teistiméireacht ó Phríomhoide na scoile roimhe seo nuair atáthar tar éis glacadh le háit
- Aistriú an eolais ar fad ón scoil roimhe seo nuair atáthar tar éis glacadh le háit – tuairiscí acadúla ón scoil, tuairiscí iompair ón scoil agus aon mheasúnú síceolaíoch san áireamh
- Teagmháil le hOifigeach Leasa Oideachais, más gá
- Ní cheadaítear iontráil chuig clár na hIdirbhliana ach amháin sa chás go ndéantar an t-iarratas roimh an 20 Meán Fómhair den scoilbhliain chuí agus tá sé ag brath ar an dalta a bheith cláraithe mar dhalta le Pobalscoil Chorca Dhuibhne ar an PPOD, bunachar sonraí na Roinne Oideachais agus Scileanna, roimh an 30 Meán Fómhair den bhliain sin.
- Grinnfhiosrúchán an Gharda Síochána le déanamh má tá an dalta os cionn 18 bliana.
- Sa chás go n-aistríonn teaghlach chuig an gceantar le linn na scoilbhliana, glacfar leis an dalta nuair a bheidh an próiseas iarratais críochnaithe acu, ar an gcoinníoll go bhfuil spás ar fáil againn.

## 16. Dearbhú maidir le gan táillí a ghearradh

Ní ghearrfaidh bord Phobalscoil Chorca Dhuibhne ná aon duine a ghníomhaíonn thar a cheann táillí ar íocaíocht nó ní lorgeoidh sé nó sí íocaíocht ná ranníocaíocht (cibé slí a dtuairiscítear) mar choinníoll de -

- (a) iarratas ar dhalta a ligean isteach sa scoil, nó
- (b) iontráil nó clárú leanúnach dalta sa scoil.



## 17. Socruithe maidir le daltaí nach bhfreastalaíonn ar theagasc reiligiúnach

Cuireann Pobalscoil Chorca Dhuibhne oideachas reiligiúnach ar fáil do gach bliainghrúpa mar go gcuireann sé forbairt iomlánaíoch an dalta chun cinn agus mar gur féidir leis tionchar dearfach a bheith aige ar fholláine an dalta de réir phrionsabail an chreatlaigh don Timthriall Sóisearach agus don Timthriall Sinsearach agus de réir spiorad an Ghníomhais Iontaobhais. Éascaíonn sé forbairt intleachtúil, sóisialta, mothúchánach, spioradálta agus morálta an dalta agus spreagann sé meas sa dalta ar gach ball de phobal na scoile. Anuas air sin, tá an t-oideachas reiligiúnach ag tacú le gné 'il-sainchreideamhach' d'eiteas na scoile mar go dtugann sé deiseanna do dhaltaí dul i ngleic le ceisteanna bainteach lena gcreideamh féin, nó lena gcreideamh neamhreiligiúnach agus creideamh a gcomhscoláirí. Sa chomhthéacs seo, tá sé tábhachtach an t-idirdhealú idir 'oideachas reiligiúnach' agus 'teagasc reiligiúin' a thuiscint.

Tá oideachas reiligiúnach ar fáil do gach dalta beag beann ar a dtiomantas i leith aon reiligiún ar leith ná dearcadh saoil. An aidhm atá leis ná cur le forbairt spioradálta agus morálta gach dalta go cothrom.

Is éard atá i gceist le teagasc reiligiúin ná teagasc de réir deasghnátha, cleachtais agus teagasc a bhaineann le reiligiún nó creideamh ar leith, curtha ar fáil do dhaltaí a bhaineann leis an traidisiún reiligiúnach sin.

Ón uair go bhfuil Oideachas Reiligiúnach, seachas teagasc reiligiúin sa chlár ama ag gach leibhéal, ní bhaineann an dualgas reachtúil sin comhairle a chur maidir le roghnú gan a bheith páirteach.

## 18. An ceart chun athbheithnithe/achomhairc

### Athbheithniú ar chinntí an Bhord Bainistíochta

Féadfaidh tuismitheoir mac léinn, nó i gcás mac léinn a bhfuil 18 mbliana d'aois slánaithe aige/aici féadfaidh sé/sí a iarraidh ar an mbord athbheithniú a dhéanamh ar an gcinneadh áit sa scoil a dhiúltú. Ní mór iarratais den gcineál sin a dhéanamh de réir Alt 29C den Acht Oideachais 1998.

Tá an t-amlíne ina gcaithfear athbheithniú den gcineál sin a iarraidh agus na ceanglais eile a bhaineann maidir le hathbheithnithe den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an Bord athbheithnithe den gcineál sin de réir na nósanna imeachta a rialaítear faoi Alt 29B i gcomhair le Alt 29C den Acht Oideachais 1998.

**Tabhair faoi deara:** Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, ní mór don iarratasóir iarraidh ar an mbord bainistíochta **athbheithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbheithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998.

## **Ceart achomhairc**

Faoi Alt 29 den Acht Oideachais 1998, féadfaidh tuismitheoir mac léinn, nó i gcás mac léinn a bhfuil 18 mbliana d'aois slánaithe aige/aici, féadfaidh sé/sí achomharc a dhéanamh ar chinneadh na scoile seo áit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(ii) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.

Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh **roimh achomharc a dhéanamh** faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta)

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, féadfaidh an t-iarratasóir iarraidh ar an mbord bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi alt 29 den Acht Oideachais 1998. (féach Athbhreithniú ar chinntí an Bhord Bainistíochta)

Déanfar achomhairc faoi Alt 29 den Acht Oideachais 1998 a mheas agus a chinneadh ag coiste neamhspleách achomhairc arna cheapadh ag an Aire Oideachais agus Scileanna.

Tá an t-amlíne ina gcaithfear achomharc den gcineál sin a iarraidh agus na ceanglais eile a bhaineann maidir le hachomhairc den gcineál sin leagtha amach sna nósanna imeachta arna gcinneadh ag an Aire faoi alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.